

BASES E CRITERIOS DE ADMISIÓN ESCOLA MUNICIPAL DE TEATRO: CATEGORÍA INFANTIL E XUVENIL CURSO 2023/2024

INFORMACIÓN:

- **Categoría infantil:**
 - Data de inicio: Segunda quincena de setembro de 2023 (previsiblemente o 21/09/22)
 - Data de remate: Primeira semana de xuño de 2024
 - Lugar: Salón de Actos do Auditorio Municipal de Ribeira
 - Horario: 18.30 a 20.00 horas; 1 día/semana (xoves)
 - Prazas: 20 participantes máximo. Mínimo 10.
 - Idades: Ter cumpridos ao inicio da actividade entre 7 e 12 anos.
- **Categoría xuvenil:**
 - Data de inicio: Segunda quincena de setembro de 2023 (previsiblemente o 21/09/22)
 - Data de remate: Primeira semana de xuño de 2024
 - Lugar: Salón de Actos do Auditorio Municipal de Ribeira
 - Horario: 19.00 a 20.30 horas; 1 día/semana (martes)
 - Prazas: 20 participantes máximo. Mínimo 10.
 - Idades: Ter cumpridos ao inicio da actividade entre 13 e 17 anos.

Prezo: 127,92€/todo o curso. Haberá bonificacións do **20%** sobre o importe da matrícula para os fillos/as das familias que reúnan algunha das seguintes condicións ou circunstancias (resultando un prezo de 102,34 € para estes colectivos), sempre que o acrediten documentalmente e previamente autorizada a bonificación polo departamento de Cultura antes de realizar o pago:

- Familias que teñan a obtención do *TÍTULO DE FAMILIA NUMEROSA*.
- Familias *colledoras ou monoparentais* que o acrediten documentalmente co certificado oficial.
- Familias con dous ou máis inscritos/as nesta actividade: o desconto aplicaríase na matrícula do segundo fillo/a e sucesivos.
- Familias nas que, ao menos, un dos seus membros sexa *DESEMPREGADO/A DE LONGA DURACIÓN* (que teñan acreditado un período de inscrición ininterrompido como desempregados/as na oficina de emprego de 180 días se fosen menores de 25 anos ou de 45 ou máis anos de idade, e de 365 días se fosen maiores de 25 e menores de 45 anos de idade, debendo presentar *vida laboral e/ou certificado de períodos de inscrición na Oficina de Emprego*).
- Familias nos que o propio participante acrediten unha *DISCAPACIDADE DE AO MENOS O 33%* (acreditando tal condición co certificado de discapacidade).

Poderá obter máis información na páxina web do concello www.ribeira.gal, a través do correo electrónico culturaefestexos@ribeira.gal, na Oficina de Cultura no Centro Cultural Lustres Rivas ou no teléfono 981 835 650 (horario de atención ao público é de 09.00 h. a 14.00 h.). Tódalas datas que se indican nas seguintes bases teñen carácter informativo pero non son vinculantes, de xeito que, se acontecese algún imprevisto nalgunha das fases do procedemento, o departamento de Cultura poderá a modificalas de xeito motivado.

PRAZOS DE SOLICITUDE DE MATRÍCULA:

1. RENOVACIÓN

Aqueles/as nenos/as que asistiron a anterior edición da Escola Municipal de Teatro Infantil (curso 2022-2023) poderán renovar a súa participación para o presente curso 2023-2024 na categoría que lle corresponda **do 4 ao 13 de agosto, ambos inclusive.**

2. NOVAS INSCRICIÓNS

En caso de quedaren vacantes unha vez realizadas as renovacións, na listaxe de admisión do 16 de agosto indícaranse as dispoñibles e abrírase un prazo para recoller novas inscricións para aquelas persoas que cumpran cos requisitos de idade establecidos tanto para a categoría infantil como xuvenil. O prazo para novas inscricións será **do 17 ao 28 de agosto, ambos inclusive.**

FORMA DE PRESENTACIÓN DE SOLICITUDES:

As solicitudes faranse a través do Rexistro Xeral do Concello de Ribeira das seguintes maneiras:

- De maneira presencial na Oficina de Atención Cidadá do Concello (atención ao público de 9.00 h. a 13.30 h.), presentando a ficha de inscrición cuberta e a copia do DNI do participante e do pai/nai/titor, así como documentación acreditativa da bonificación.
- De forma telemática (necesario certificado dixital) a través da web www.ribeira.gal: a partir das 9:00 h do día 4 de agosto a renovación e do 17 de agosto para as novas inscricións, no seguinte apartado –SEDE ELECTRÓNICA- TRÁMITES EN LIÑA – SOLICITUDE DE CARÁCTER GENERAL. Deberase tramitar a solicitude de carácter xeral e axuntar a ese procedemento a ficha de inscrición cuberta así como copia do DNI do participante e do pai/nai/titor e documentación acreditativa da bonificación.

ADMISIÓN:

As solicitudes atenderanse por orde de inscrición segundo o número de rexistro. Para o alumnado de renovación de praza a listaxe de admisión publicarase o 16 de agosto, indicando nesa mesma listaxe as vacantes dispoñibles para as novas inscricións. Para o alumnado de nova inscrición a listaxe de admisión publicarase o 30 de agosto.

PRAZOS E FORMAS DE PAGO:

Unha vez publicadas as listaxes de admisión (para renovación ou nova inscrición segundo o caso), as persoas admitidas terán que realizar a autoliquidación do prezo público a través de www.ribeira.gal e enviar copia do xustificante ao enderezo culturaefestexos@ribeira.gal nos seguintes prazos:

- Para o alumnado de renovación de praza: **do 16 ao 25 de agosto (ambos incluídos).**
- Para o alumnado de nova inscrición: **do 30 de agosto ao 5 de setembro (ambos incluídos).**

Para realizar a autoliquidación deberase entrar na web municipal www.ribeira.gal, no apartado **SEDE ELECTRÓNICA- RECIBOS E IMPOSTOS- AUTOLIQUIDACIÓNS AVANZADAS**, e cubrir os datos que se requiren para o **“TRIBUTO: PREZO PÚBLICO ESCOLAS DE TEATRO E BALLET”** seleccionando os apartados **“TEATRO – MATRÍCULA ORDINARIA”**, bonificación SI ou NON. O pago poderá facerse directamente a través da opción **PAGAR ONLINE ou IMPRIMIR RECIBO** e facer o pago na sucursal bancaria ou no seu caixeiro. Unha vez realizado o pago deberase enviar copia do xustificante ao enderezo culturaefestexos@ribeira.gal.